

तं रामरुस्सं हिअग्रं भिन्दिअ णिक्कमदि विअ ॥ किंचिन्मुखं संवृत्य प्रकाशं ॥
भोदि णिउणिए संगीदव्वावारं उज्जिअ कच्चिं पत्थिदासि ।

चेटी । देवीए वअणेण अज्जं जेव्व पेक्खिडुं ।

विदूषकः । किं तत्थभोदी आणवेदि ।

* चेटी । देवी भणादि त्था अज्जस्स मम उअरि अदक्खिणां । ण
मं अणुइदवेअणं डक्खिदं अवलोअदि ति ।

विदूषकः । णिउणिए किंवा पिअवअस्सेण तत्थभोदीए
पडिऊलं किंपि समाअरिदं ।

* चेटी । तंणिमित्तं उण भट्टा उक्कणिठदो ताए इत्थिआए णा-
मेण भट्टिणा देवी आलविदा ।

विदूषकः ॥ स्वागतं ॥ कथं सअं ज्जेव तत्थभवदा वअस्सेण रुह-
स्सभेदो कदो । किं दाणिं अहं बम्हणो जीहं रक्खिडुं समत्थोम्मि
॥ प्रकाशं ॥ किं तत्थभोदी उव्वसीणामधेएण आमत्तिदा ।

* चेटी । अज्ज का सा उव्वसी ।

* विदूषकः । अत्थि उव्वसि ति अच्छरा । ताए दंसणेण उन्मा-
दिदो ण केवलं तं आअसेदि मं पि बम्हणां असिदव्वविमुहं दढं
पीडेदि ।

चेटी । उप्पादिदो मए भेओ भट्टिणो रुहस्सडुग्गस्स । ता गडुअ
देवीए एदं णिवेदेमि ॥ इति प्रस्थिता ॥

* विदूषकः । णिउणिए विअवेदि मम वअणेण कासिराअधूदं ।